


# Story Power.


*Letha amandla wendatjana ekhaya.*

**Ukuthoma: Coca indatjana!**


Into eqakatheke khulu ekufanele uyenze nawufundela abantwana, kutjengisa ithabo ngombana nakunjalo, bazakufunda kobana ukufunda yinto ethabisako. Azikho iindlela ezilungileko nezingakalungi zokufundela abantwana, kodwana nanzi ezinye iinyeleliso zethu zokwabelana iincwadi ndawonye.

## Nini?

 Kesinye isikhathi coca iindatjana lokha abantwana nabahlezi phasi ngokuzigedla, njengangemva kobana bahlambe namkha ngaphambi kobana bayokulala ebusuku.

 Abantwana abancani namkha abadiniweko bavame ukuba nobudisi bokulalela isikhathi eside, ngalokho-ke ungabafundeli isikhathi eside.

## Kuphi?

 Thola indawo yokufundela ethulileko, nenokuzigedla. Vala woke amakhomyutha, ama-TV nemirhatjho!



## SICOCELA INDATJANA YAKHO

Ingabe iincwadi neendatjana ziyithuthukise bunjani ipilo yakho kunye neyabantwana bakho? Ingabe khezakusiza ukuhlathulula ubujamo obubudisi eabantwaneni bakho? Sicocele eBuswenincwadi ([www.facebook.com/nalibaliSA](http://www.facebook.com/nalibaliSA)) namkha ku-Twitter ([www.twitter.com/nalibaliSA](http://www.twitter.com/nalibaliSA)) ngokusebenzisa i-hashtag #StoryPower begodu singakghona ukutshwaya kobana iindatjana ziwenze kangangani umthelela epilweni yakho ngokwehlelo le-Nal'ibali elingezelelweko lokufundela ukuzithabisa namkha kuwebhusayidi yethu.

# Njani?



Hlalelanani emaduzana ukuze noke nikhghone ukubona iinthombe namagama ekhasini.



Thoma ngokufunda igama lomloli (nomdwebi) ukuze abantwana bathabele ukwazi bona iincwadi zitlanywa babantu abanjengabo!



Funda ngokuphandlusela ngendlela ongakhona ngayo – abantwana bakho bazokuthabela lokho!



Thola iindlela zokubadosela indatjani njengoba ufunda nje. Isibonelo, babuze kobana bacabanga bona kuzokwenzekani okulandelako, cocani ngesinye seenthombe namkha babawe bakuvulele amakhasi wencwadi.



Nabisa ukuzwisisa kwabo ngokubabuza, “Ingabe lokho kukukhumbuza ini?”, “Kubayini ucabanga kobana ukwenzile lokho?” nokobana “Bewuzokwenzani wena?” Imibuzo enjengale isiza ukuhlenganisa iindatjana neempilo zabantwana begodu isiza ukuthola kobana iindatjana zisebenza njani.



Nangabe umntwana ukubawa kobana ubuyelele ufunde indatjana godu...godu, kwenze! Bazokuthola izinto ezitja ngaso soke isikhathi. Nasele bayazi ngcono indatjana, babawe bafunde kanye kanye nawe.



Lokha abantwana bakho nasele bakwazi ukufunda, ungalisi ukubafundela! Khetha iincwadi ezibudisana nezihlangahlangeneko kunalezo ebakhona ukuzifundela babodwa. Lokha nanifunda iincwadi ezinezahluko noke, funda isahluko sinye namkha zimbili ngelanga namkha thola indawo ongaqintela kiyo, engenza abantwana bakho bafune ukuragela phambili ngelanga elilandelako.



Sivakatjhela ku: [www.nalibali.org](http://www.nalibali.org) | [www.nalibali.mobi](http://www.nalibali.mobi)  
[www.facebook.com/nalibaliSA](https://www.facebook.com/nalibaliSA) | [www.twitter.com/nalibaliSA](https://www.twitter.com/nalibaliSA)